

《淨土十疑論》 補充講表

◎附表三：第四疑、第五疑

○第二疑——經云：「若求淨土，先淨其心；心淨故，即佛土淨。」此云何通？

《大乘起信論裂網疏》卷第五云：「問：但離心垢，便見法身，何須念佛、觀佛、稱名、禮拜等？答：佛是先證我心性者，念之、觀之、稱之、禮之，皆是除心垢之妙方便也。」

《大乘止觀法門》·止觀依止云：「如一切眾生，同修無量壽業者，皆悉薰于真心共相之性。性依薰起，顯現淨土，故得凡聖同受用也。」

《大乘止觀述記》云：「同修無量壽業，謂同修往生阿彌陀佛極樂淨土之業。」性依薰起，

顯現淨土」八字，說盡念佛法要。謂本具之佛性，為無明覆障故，必依淨業

之薰力，薰令生起。所謂心想佛時，是心即是三十二相，八十隨形好，是故念他佛，即是念自佛也。然以積垢之身，非仗彌陀悲願，何能自拔！故一句

萬德洪名，當如孩提之呼父母，心口宛轉，聲淚交迸，有非蒙垂手提攜不可之勢。如是真誠，方能薰起，顯現淨土。所以念自佛，必須念他佛也。」

○何不十方佛土中，隨念一佛淨土，隨得往生，何須偏念西方彌陀佛耶？

《阿彌陀經要解》云：「問：何不遍緣法界？答：有三義：令初機易標心故，阿彌本願勝故，佛與此土眾生偏有緣故。蓋佛度生，生受化，其間難易淺深，總在於緣。緣之所在，恩德弘深，種種教啟，能令歡喜信入，能令觸動宿種，能令魔障難遮，能令體性開發。」

○《觀經》云：「阿彌陀佛有八萬四千相，一一相有八萬四千好，一一好放八萬四千光明遍照法界，念佛眾生，攝取不捨。」若有念者，機感相應，決定得生。

《佛說無量壽經》云：「是故無量壽佛，號無量光佛、無邊光佛、無礙光佛、無對光佛、炎王光佛、清淨光佛、歡喜光佛、智慧光佛、不斷光佛、難思光佛、無稱光佛、超日月光佛。」

見聞獲益（分三：一、滅惡益。二、生善益。三、離苦得樂益。）

一、滅惡益

其有眾生，遇斯光者，三垢消滅。

二、生善益

身意柔軟，歡喜踊躍，善心生焉。

三、離苦得樂益

若在三塗極苦之處，見此光明，皆得休息，無復苦惱，壽終之後，皆蒙解脫。」

○經一劫、二劫、三劫，始至初發心住；

別教初發心住：信心成滿，廣求智慧，創發大心。斷三界見惑，與通教見地齊。到第七不

退地，斷三界思惑。（糝合靜權大師《天台宗綱要》）

○如是修行十信、十波羅蜜等無量行願，相續無間，滿一萬劫，方始至第六正心住；

十信：一信心、二進心、三念心、四定心、五慧心、六不退心、七戒心、八護心、九願、十迴向心。

十波羅蜜：一、施，二、戒，三、忍，四、進，五、定，六、慧，七、方便，八、願，九、力，十、智。若說六度，六攝後四。若開十度，第六唯攝無分別智，後四皆後得智攝；又後四度，助前六度，令得圓滿。方便助前三度，願助進，力助禪，智助般若也。梵云波羅蜜此云彼岸到，即到彼岸也。彼岸有二：一者、行十度究竟，名到彼岸。二者、生死為此岸，煩惱為中流，涅槃為彼岸。行此十度，得菩提、涅槃二轉依果，名為彼岸。（糝合澄或法師《淨土十疑論注》）

《華嚴經》·十住品云：「云何為菩薩正心住？此菩薩聞十種法，心定不動。何等為十？所謂：聞讚佛、毀佛，於佛法中，心定不動；聞讚法、毀法，於佛法中，心定不動……聞說法界若有、若無，於佛法中，心定不動；是為十。」

○難行者：在於五濁惡世，於無量佛時，求阿鞞跋致，甚難可得。

《阿彌陀經要解》云：「阿鞞跋致，此云不退。一、位不退，入聖流，不墮凡地。二、行不退，恒度生，不墮二乘地。三、念不退，心心流入薩婆若海。若約此土，藏初果，通見地，別初住，圓初信，名位不退。通菩薩，別十行，圓十信，名行不退。別初地，圓初住，名念不退。」

○《華嚴經》說：「一切諸佛刹，平等普嚴淨，眾生業行異，所見各不同。」

《華嚴經》·問明品云：「一切諸佛刹，莊嚴悉圓滿，隨衆生行異，如是見不同。」

《像法決疑經》云：「今日座中無央數衆，各見不同。或見如來入般涅槃；或見如來住世一劫；或見如來住無量劫；或見如來丈六之身；或見小身；或見大身；：或見法身同於虛空。或見此處娑羅林地，悉是土沙草木石壁；或見此處金銀七寶清淨莊嚴；或見此處乃是三世諸佛所行之處；或見此處即是不可思議諸佛境界真實法體。」